



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1581 usque ad annum 1589

**Fleury, Claude**

**August. Vind. [u.a.], 1772**

**VD18 90118650**

§. 91. Granvellani Cardinalis fata.

---

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Aldobrandino raræ virtutis, & profundæ eruditionis Viro demandata est. Sæcul. XVI. A.C. 1586.

## §. XCI.

*Granvellani Cardinalis fata.*

**T**ertius erat Antonius Perrenotus Ciac. t. 3. pag. 925. Sanmarth. Gall. Christ. tom. I. Thuan. l. 84.  
 Granvellanus Bisuntii in Burgundia Comitatu natus ex Patre Nicolao, qui non tam generis nobilitate, quam ingenii sui præstantia supremam Cancellarii dignitatem apud Carolum V. Cæsarem promeritus fuit, & per integros viginti annos, atque usque ad extremum vitæ suæ halitum gratia, & benevolentia apud eundem Imperatorem plurimum valuit, quod sane rarum est fortunæ erga Principum clientes constantis exemplum: porro Antonius natus minor tam præclari Parentis Filius ejusdem præceptis apprime imbutus fuit, atque eodem moderatore insuper dexteritatem ad res feliciter gerendas oppido necessariam sibi comparavit, insuper jam aliunde excellenti ingenii acie præditus, intellectum suum scientiis, quas in celebrioribus Europæ Academiis hauserat, plurimum excolebat: unde ab Imperatore, cui hujus Viri merita satis perspecta erant, ad Ministri Cæsarei honores evehebatur, ad quam dignitatem non tam Patris obsequia, quam

*Hist. Eccles. Tom. L.*

E e pro-

Secul. XVI.  
A. C. 1586.

proprii meriti suffragia eidem vltam parabant. Natus is erat Mense Septembris anno restauratæ salutis millesimo quingentesimo decimo septimo, evolutoque studiorum curriculo ex Bisuntinæ Ecclesiæ Canonico, & Protonotario Apostolico circa annum Christi millesimum quingentesimum trigessimum nonum ejusdem Ecclesiæ Archidiaconus renuntiabatur, obtentoque Atrebatensi Episcopatu una cum Nicolao Patre ad Concilium Tridentinum a Paulo III. indictum, Cæsareæ Majestatis nomine se contulit, ubi ad Patres, qui convenerant, orationem ea de re habuit non minus eloquentia celebrem, quam rationibus oppido gravem, insuper ibi ad quævis negotia ibidem agitata ipsius opera impendebatur. Postea Orator ad Franciscum I. Gallorum, & deinde ad Henricum VIII. Anglorum Regem pro sancienda pace decernebatur, atque anno millesimo quingentesimo quinquagesimo nono a Philippo II. Hispaniarum Rege Margaritæ Aultriacæ Belgarum Gubernatrici Consiliarius est datus, apud quam adeo potentia valuit, ut sibi invidiam nobilium, & multorum æmulationem, necnon Gubernatricis contemptum accerferet, quapropter relicta hac patria in Hispaniam profectus est.

Demum

Demum Archiepiscopatu Mechliniensi donatus a Pio IV. anno Redemptionis nostræ millesimo quingentesimo sexagesimo primo Presbyteris Cardinalibus adscribebatur: anno autem millesimo quingentesimo septuagesimo octavo Sabinensis Episcopus, prius autem anno millesimo quingentesimo septuagesimo Orator unacum Paccoco Cardinale ab Hispaniæ Rege nominatus est, ut pro bello contra Turcas movendo Principum fœdus conciliaret. Postea Neapolitani Regni Prorex creatus civitatem illam ingressus fuit Mense Aprili anni millesimi quingentesimi septuagesimi primi, ubi in Ecclesia S. Claræ tanquam Legatus Apostolicus bellicum Romanæ Ecclesiæ vexillum sacravit, atque illud Joanni Austriaco tradidit: Anno millesimo quingentesimo octogesimo quarto Mechliniensi dimisso Bisuntinum Archiepiscopatum post Clodium de la Baume obtinuit, atque a Philippo II. Hispaniarum Rege, cum Lusitanæ Regnum possidere aggrediretur, ad Aulam revocatus interea omnium rerum Hispanicarum sollicitudinem in se susceperat, ibidemque aliquamdiu commoratus rerum Italicarum supremus consilii Præses declaratus est, ac sponsalia inter Carolum Philibertum Sabaudia Ducem, & Catharinam Philippi

Sæcul. XVI.  
A.C. 1586.

Sæcul. XVI. lippi II. Regis filiam natu majorem Cæ-  
 A.C. 1586. far - Augustæ conciliavit.

Tandem Madriti in Hispania febrri  
 correptus annos natus septuaginta duos,  
 die dominico nonas Calendas Octobris  
 anno salutis millesimo quingentesimo  
 octuagesimo sexto Pontificatus Sixti V.  
 secundo e vita migravit, corpusque  
 ejus in S. Philippi templo apud Ere-  
 mitas S. Augustini depositum, postea  
 autem Bisuntium translatum, atque  
 ibi, non in Metropolitana Ecclesia, sed  
 apud Carmelitas juxta Patrem suum  
 conditum est.

## §. XCII.

*Donati Cæsi Cardinalis extrema.*

Ciac. l. c.

pag. 1045.

Aubery l. c.

Ughel. Ital.

Sacra Rubei

hisl. Raver.

Quartus erat Petrus Donatus Roma-  
 nus ex illustrissima Cæsiarum fa-  
 milia ortus, qui anno Christi millesimo  
 quingentesimo vigesimo secundo natus  
 ac sub celebriorum Virorum magisterio  
 liberaliter educatus Romam reversus  
 est, ubi in Federici Cæsi Cardinalis  
 aula aliquamdiu vixit: utriusque deinde  
 Signaturæ Referendarius, & Episco-  
 pus Narniensis die vigesima prima Men-  
 sis Junii anno millesimo quingentesimo  
 quadragesimo sexto renuntiatus est, &  
 in Concilio Tridentino pie, ac docte  
 cum aliis Patribus sententiam dixit:  
 inde vero redux variis honorabatur offi-  
 ciis